

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“ broj 7/10), Zakona o izvršenju Budžeta Zeničko-dobojskog kantona za 2013. godinu („Službene novine Zeničko-dobojskog kantona“ broj 19/12), Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“ broj 10/06), Odluke o izmjeni i dopuni Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“ broj 04/08), Zaključka o usvajanju Programa utroška namjenskih sredstava za uređenje i monitoring poljoprivrednog zemljišta u 2013. godini broj: 02-24-14346/13 od 25.06.2013. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 124. sjednici, održanoj dana 11.09.2013. godine d o n o s i

## **ZAKLJUČAK**

### **I.**

Odobrava se isplata planiranih sredstava u iznosu od 998.746,00 KM (slovima: devetstotinadevedesetosamhiljadasedamstotinačetdesetšest konvertibilnih maraka) u skladu sa usvojenim Programom utroška namjenskih sredstava za uređenje i monitoring poljoprivrednog zemljišta u 2013. godini, koji je usvojen Zaključkom Vlade Zeničko-dobojskog kantona broj: 02-24-14346/13 od 25.06.2013. godine.

### **II.**

Sredstva iz tačke I ovog Zaključka isplatit će se prema spisku kandidata koji su ostvarili pravo na korištenje sredstava od naknada za promjenu namjene poljoprivrednog zemljišta od rednog broja 1. do 224. koji je sastavni dio ovog zaključka, a na ime isplate odobrenih sredstava za uređenje poljoprivrednog zemljišta u 2013. godini iz Budžeta Zeničko-dobojskog kantona za 2013. godinu sa razdjela 23, budžetske organizacije 01, potrošačka jedinica 0001, ekonomski kod 614 400 NAD 402 subanalitika NAD 404,, pozicija “Finansiranje projekata iz sredstava za pretvaranje poljoprivrednog zemljišta u nepoljoprivredno zemljište”.

### **III.**

Zadužuje se Ministarstvo za poljoprivredu, šumarstvo i vodoprivredu da po usvajanju Izmjena i dopuna Budžeta Zeničko-dobojskog kantona za 2013. godinu, utvrđen na 124. sjednici Vlade održanoj dana 11.09.2013. godine, uradi izmjene i dopune Programa iz tačke I. ovog zaključka.

### **IV.**

Zadužuju se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona da u skladu sa zakonom i podzakonskim aktima realizuju ovaj zaključak svako u okviru svoje nadležnosti.

V.

Zaključak stupa na snagu danom donošenja.

Broj: 02-\_\_\_\_\_ /13

Datum, 11.09.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

## **O B R A Z L O Ž E N J E**

Vlada Zeničko-dobojskog kantona je Zaključkom broj: 02-24-14346/13 od 25.06.2013. godine usvojila Programa utroška namjenskih sredstava za uređenje i monitoring poljoprivrednog zemljišta u 2013. godini. Programom je planirana isplata sredstava obavi u tri tranše. Prva u skladu sa Zakonom o izvršenju budžeta za 2013. godinu koji je usvojen 28.12.2012. godine, u iznosu od 1.000.000,00 KM ili u procentu od 33,97%. Po realizaciji prve tranše isplate predviđen je monitoring (provjera zasnovanih kultura na uređenom zemljištu), tako da aplikanti koji nisu izvršili pomenutu obavezu nemaju pravo na isplatu ostatka sredstava. Po usvajanju rebalansa budžeta za 2013. godinu i izmjene i dopune ovog Programa planirana je isplata druge i treće tranše.

Kandidati sa područja Zeničko-dobojskog kantona podnijeli su zahtjeve za ostvarivanje prava na korištenje sredstava za uređenje zemljišta prikupljenih od naknada za promjenu namjene poljoprivrednog zemljišta (namjenska sredstva). Ukupno je zaprimljeno 263 aplikacije sa područja općina: Olovo, Vareš, Breza, Maglaj, Žepče, Zavidovići, Visoko, Zenica, Tešanj, Usora i Kakanj .

Stručne komisije koja je imenovao ministar Ministarstva za poljoprivredu, šumarstvo i vodoprivredu Zeničko-dobojskog kantona, provjerile su priloženu dokumentaciju koju su kandidati priložili uz Zahtjev za ostvarivanje prava na korištenje sredstava za uređenje zemljišta prikupljenih od naknada za promjenu namjene poljoprivrednog zemljišta (namjenska sredstva) i na terenu izvršila dva uviđaja. Prvi uviđaj Stručne komisije su obavile sa ciljem utvrđivanja postojanja uslova za provođenje mjera uređenja zemljišta na prijavljenim parcelama i propisivanja prijedloga istih. Drugi uviđaj Stručne komisije su obavile sa ciljem utvrđivanja provedenosti prijedloga mjera za uređenje zemljišta u skladu sa Uputstvom o korištenju sredstava za uređenje poljoprivrednog zemljišta prikupljenih od naknada za promjenu namjene poljoprivrednog zemljišta broj: 05-24-12641-2/12 od 01.06.2012. godine

Nakon izvršenih provjera i uviđaja na terenu , Stručne komisije su utvrdile da kandidati sa spiska koji je u prijedlogu ovog Zaključka ispunjavaju uslove za dodjelu sredstava za uređenje poljoprivrednog zemljišta , pa predlažemo da Vlada Zeničko-dobojskog kantona donese predmetni Zaključak o odobravanju isplate navedenog iznosa kandidatima sa područja Zeničko-dobojskog kantona.

Obradila: Hikmeta Hajrić

**Bojan Bošnjak**

**MINISTAR**